

ՊԱՅՄԱՆԱԳԻՐ N ՀՀՀ-ՄԱԾՁԲ-21/65-Պ

ք. Երևան

«17» սեպտեմբեր 2021

«Կարեն Դեմիրճյանի անվան մարզահամերգային համալիր» պետական ոչ առևտրային կազմակերպությունը, ի դեմս տնօրեն Կարեն Ղազարյանի, ով գործում է կազմակերպության կանոնադրության հիման վրա, (այսուհետ՝ «Կատարող»), մի կողմից, և

«Հայաստանի Հանրային հեռուստաընկերություն» ՓԲԸ-ն ի դեմս գործադիր տնօրեն Հովհաննես Մովսիսյանի (այսուհետ՝ նաև Պատվիրատու), մյուս կողմից, (երկուսը միասին այսուհետ՝ նաև Կողմեր), կնքեցին սույն Պայմանագիրը հետևյալի մասին:

1. ՊԱՅՄԱՆԱԳՐԻ ԱՈՒՐԿԱՆ

1.1 Սույն պայմանագրով Կատարողը պարտավորվում է Պատվիրատուի հանձնարարությամբ նկարահանումներ իրականացնելու նպատակով մատուցել Կարեն Դեմիրճյանի անվան մարզահամերգային համալիրի սպորտային դահլիճի տրամադրման, կոմունալ և տեխնիկական սպասարկման, մաքրության ապահովման ծառայություն, իսկ Պատվիրատուն պարտավորվում է վճարել այդ ծառայությունների համար՝ սույն պայմանագրի 4.1 կետի համաձայն:

1.2 Ծառայությունները մատուցվում են 26.09.2021թ-ից մինչև 23.10.2021թ.:

1.3 Նկարահանման նախապատրաստական աշխատանքների համար 23.09.2021թ-25.09.2021թ. Կատարողն ապահովում է սպորտային դահլիճի տրամադրումը

2.1. Կատարողը պարտավոր է՝

2.1.1. Ծառայությունները մատուցել պատշաճ որակով.

2.1.2. Ծառայությունները մատուցել ամբողջ ծավալով, սույն Պայմանագրի 1.2 և 1.3 կետերում նշված ժամկետներում.

2.1.4. Մատուցվող Ծառայությունների վերաբերյալ Պատվիրատուի գրավոր առարկությունները ստանալուց հետո ոչ ուշ քան 3 (երեք) ժամվա ընթացքում վերացնել թերությունները, ինչի մասին գրավոր տեղեկացնել Պատվիրատուին.

2.1.5. Ծառայությունների մատուցման ընթացքում ապահովել տրամադրված տարածքի և տաղավարի մաքրությունը և անվտանգությունը, անհրաժեշտության դեպքում Պատվիրատուի պահանջով տրամադրել մաքրուհիներ,

2.1.6. Կատարողը երաշխավորում է իր տարածքում նկարահանվող նախագծի գաղտնիությունը և հետևում է Պատվիրատուի կողմից տրվող բոլոր հրահանգներին,

2.1.7. Կատարողը երաշխավորում է, որ յուրաքանչյուր նկարահանման վերջին 1 (մեկ) ժամվա ընթացքում իր կողմից տրամադրված տաղավարում և դրան հարակից տարածքում չի լինելու որևէ աշխատակից:

2.1.8 որևէ պարագայում չհրապարակել/չբացահայտել Պատվիրատուի առևտրային գաղտնիք հանդիսացող տեղեկատվությունը: Սույն կետի իմաստով առևտրային գաղտնիք է համարվում «Դիմակահանդես» հաղորդման հետ որևէ կերպ առնչվող ցանկացած տեղեկատվություն, ցանկացած փաստաթուղթ կամ ինֆորմացիայի ցանկացած կրիչ, որը Կատարողին /այդ թվում նաև նրա աշխատակիցներին կամ ցանկացած այլ անձի, որը Կատարողի թույլտվությամբ կարող է ստանալա որևէ տեղեկություն Առևտրային գաղտնիքի մասին/ հայտնի է դարձել (որը

Կատարողը ձեռք է բերել) Կատարող հանդիսանալու շնորհիվ (այսինքն, Կատարողը չէր կարողանա օրինական ճանապարհով ծանոթանալ այդ տեղեկատվությանը (կամ ձեռք բերել այն), եթե սույն պայմանագրի կողմ չհանդիսանար):

2.1.9. ձեռնարկել ողջամիտ և բավարար միջոցներ՝ 2.1.8 կետում նշված Առևտրային գաղտնիք կազմող տեղեկատվության պահպանության համար, ապահովել Առևտրային գաղտնիքի պաշտպանվածությունը: Ողջամիտ և բավարար միջոցների ներքո հասկացվում են այնպիսի միջոցներ, որոնք բացառում են Առևտրային գաղտնիք կազմող տեղեկատվության՝ երրորդ անձանց համար հասանելի դառնալը:

2.1.10 չիրականացնել 2.1.8 կետում նշված Առևտրային գաղտնիք կազմող տեղեկատվության պատճենահանում, թարգմանություն հավաքագրում և այլն:

2.1.11. չիրապարակել/չբացահայտել 2.1.8 կետում նշված Առևտրային գաղտնիք կազմող տեղեկատվությունը անկախ այն հանգամանքներից, թե երբ և ինչ եղանակով է Կատարողը /այդ թվում նաև նրա աշխատակիցները, ծառայություններ մատուցողներ կամ այլ համանման անձինք/ տեղյակ դարձել այդ տեղեկատվությանը:

2.2. Կատարողն իրավունք ունի՝

2.2.1. Լուծել պայմանագիրը 4.1 կետով. նախատեսված վճարումները նույն կետով սահմանված ժամկետում չկատարելու (ուշացնելու) դեպքում.

2.2.2. Պահանջել Պատվիրատուից հատուցել Կատարողի կողմից տրամադրված գույքին (այդ թվում, բայց չսահմանափակվելով՝ սարքերին, սարքավորումներին, շենքերին, շինություններին և այլն) պատճառված վնասը:

2.3. Պատվիրատուն պարտավոր է՝

2.3.1. Ծառայությունների դիմաց վճարել սույն Պայմանագրի 4-րդ կետում նշված կարգով, ժամկետներում և գնին համապատասխան.

2.3.2. Որևէ կերպ չխոչընդոտել Կատարողի Ծառայության մատուցմանն ուղղված օրինաչափ գործողություններին.

2.3.3. Նկարահանումներն իրականացնել Պայմանագրի պայմաններին և Մարզահամերգային համալիրի շենքի գործառնական նշանակությանը համապատասխան.

2.4. Պատվիրատուն իրավունք ունի՝

2.4.1. Ստուգել Կատարողի կողմից մատուցվող Ծառայությունների ընթացքը և որակը.

2.4.2. Կատարողի կողմից Ծառայությունները ոչ պատշաճ, կետանցով, ոչ լրիվ ծավալով մատուցելու դեպքում պահանջել վերացնելու թերությունները, թերությունները չվերացնելու դեպքում միակողմանի լուծել պայմանագիրը:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

- 3.1 Մատուցված ծառայության ընդունումը հաստատվում է Պատվիրատուի կողմից Կատարողի ներկայացրած հաշվարկային փաստաթղթի ստորագրմամբ:
- 3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն հաշվարկային փաստաթուղթը ստանալու օրվան հաջորդող աշխատանքային օրվանից հաշված 3 (երեք) աշխատանքային օրվա ընթացքում ստորագրում է այն (հաստատում է):
- 3.3 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված:

4. ՊԱՅՄԱՆԱԳՐԻ ԳԻՆԸ

- 4.1. Սույն Պայմանագրի գինը կազմում է 8 000 000 (ութ միլիոն) ՀՀ դրամ ներառյալ ԱԱՀ-ն: Պատվիրատուն ընդհանուր արժեքը պարտավորվում է վճարել Կատարողի կողմից հաշիվ-վավերագիր ներկայացնելուց և երկկողմանի հաստատվելուց հետո 20 (քսան) աշխատանքային օրվա ընթացքում:
- 4.2 Սույն պայմանագրի 4.1 կետով նախատեսված վճարումները նույն կետով սահմանված ժամկետում չկատարելու (ուշացնելու) դեպքում Պատվիրատուից կարող է գանձվել տուժանք՝ սույն Պայմանագրի գնի 0.2 տոկոսի չափով՝ յուրաքանչյուր ժամկետանց օրվա համար:

5. ՊԱՅՄԱՆԱԳՐԻ ԴԱԴԱՐԵՑՄԱՆ ԿԱՄ ՎԱՂԱԺԱՄԿԵՏ ԼՈՒԾՄԱՆ ՀԻՄՔԵՐԸ և ԿԱՐԳԸ

- 5.1. Պատվիրատուն իրավունք ունի հրաժարվել սույն Պայմանագիրը կատարելուց՝ Կատարողի փաստացի կատարած ծախսերը և Սույն Պայմանագրով նախատեսված տուժանքներն ու տուգանքները վճարելու պայմանով:
- 5.2 Սույն պայմանագիրը կարող է ցանկացած ժամանակ միակողմանի լուծվել կողմերից յուրաքանչյուրի նախաձեռնությամբ, մյուս կողմին այդ մասին գրավոր մեկ ամիս առաջ տեղեկացնելու պայմանով:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 6.1 Կողմերը որևէ պատասխանատվություն չեն կրում մյուս Կողմի՝ սույն Պայմանագրով սահմանված պարտավորությունների իրականացման ընթացքում, Կողմի կողմից թույլ տված երրորդ անձանց իրավունքները խախտող գործողությունների համար:
- 6.2. Սույն Պայմանագրով նախատեսված պարտականությունները չկատարելու կամ ոչ պատշաճ / թերի կատարելու արդյունքում խախտող Կողմը պատճառված վնասը հատուցում է մյուս Կողմին Հայաստանի Հանրապետության օրենսդրությամբ սահմանված կազով:
- 5.3. Վճարները ուշացնելու կամ չիրականացնելու և/կամ որևէ այլ գործողությամբ Կատարողին վնաս պատճառելու դեպքում Պատվիրատուն պատասխանատվություն է կրում Հայաստանի Հանրապետության օրենսդրությամբ սահմանված և սույն Պայմանագրով նախատեսված կարգով և չափով:
- 5.4. Տույժերի և/կամ տուգանքների և/կամ վնասների հատուցումը Կողմերին չի ազատում սույն Պայմանագրով ստանձնած իրենց պարտականությունները կատարելուց:

5.5. Պատվիրատուն պատասխանատվություն է կրում նկարահանումների իրականացման և/կամ կազմակերպման ընթացքում Պատվիրատուի և/կամ մասնակիցների կողմից Կատարողին և/կամ երրորդ անձանց պատճառված բոլոր տեսակի վնասների համար:

5.6. Պատվիրատուի կողմից համապատասխան պահանջ ներկայացվելու պարագայում Կատարողը պարտավորվում է Պատվիրատուին միանվագ վճարել 5 /հինգ/ միլիոն ՀՀ դրամ սույն պայմանագրի 2.1.8 կետով նախատեսված առևտրային գաղտնիք կազմող տեղեկատվությունը հրապարակելու/բացահայտելու յուրաքանչյուր դեպքի համար:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

8.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.4 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

8.5 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

8.6 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

8.7 Սույն պայմանագիրը կազմված է 5 (հինգ) էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է պայմանագրի մեկ օրինակ:

8.8 Սույն պայմանագրի նկատմամբ կիրառվում է Հայաստանի Հանրապետության իրավունք

9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

**«Հայաստանի Հանրային
հեռուստաընկերություն» ՓԲԸ**

հասցե՝ ՀՀ ք. Երևան, Գ.Հովսեփյանի 26

ՀՎՀՀ: 01540062

Բանկ՝ ԱրդշինԲանկ ՓԲԸ

Հ/Կ 2470102796740000

Կ Ա Տ Ա Ր Ո Ղ

**«Կարեն Դեմիրճյանի անվան
մարզահամերգային համալիր»**

ՊՈԱԿ

Հասցե՝ ք. Երևան, 0028,

Ծիծեռնակաբերդի զբոսայգի 1

ՀՎՀՀ՝ 00144572

Բանկ՝ թիվ 1 տարածքային

գանձապետական բաժին

Հ/Կ՝ 900018002825

Գործադիր տնօրեն՝


Գ. Սովսիսյան
(ստորագրություն)


Տնօրեն
Կ. Ղազարյան
(ստորագրություն)

Կ.Տ.